

MANUAL PENGANJURAN PROGRAM DAN AKTIVITI BERASASKAN MATLAMAT PEMBANGUNAN LESTARI (SDG).

1.0 Pengenalan

1.1 Manual ini menyarankan universiti untuk

- Pemetaan SDG dengan aktiviti/program yang sedang/telah dilaksanakan di universiti.
- Membangunkan kapasiti dalaman dan komitmen terhadap SDG.
- Mengenal pasti keutamaan, peluang dan jurang.
- Mengintegrasikan dan melaksanakan SDG melalui strategi, polisi dan perancangan universiti.

2.0 Objektif

- Meningkatkan kesedaran kepada warga universiti tentang SDG.
- Meningkatkan keterlihatan aktiviti universiti yang berkaitan SDG.
- Menyumbang kepada usaha pembudayaan ke arah kelestarian sosial, ekonomi dan persekitaran.
- Membantu dalam pengumpulan data dan maklumat untuk penyertaan dalam Times Higher Education (THE) Global Impact Ranking.
- Mewujudkan kawalan dalaman terhadap penggunaan logo dan ikon.

2.2 Memantau dan menilai prestasi SDG serta meuar-uarkan tindakan yang dilaksanakan berkaitan pencapaian SDG kepada warga universiti dan pihak luar.

2.3 Bagi pembelajaran dan pengajaran, tenaga pengajar diminta untuk mengenal pasti elemen SDG dan memberi penekanan kepada hal tersebut dalam kelas masing-masing dengan tujuan meningkatkan kesedaran para pelajar tentang SDG

3.0 Prosedur dan Tatacara

3.1 Prosedur dan Tatacara:

3.1.1 Pemetaan SDG dengan Aktiviti/Program:

- Kenal pasti Matlamat Pembangunan Lestari (SDG) yang berkaitan dengan aktiviti atau program universiti.
- Lakukan analisis terperinci untuk menentukan sumbangan yang mungkin diberikan oleh aktiviti atau program tersebut kepada SDG yang terpilih.

3.1.2 Penggunaan Logo SDG pada Aktiviti/Program:

- Patuhi panduan dan peraturan penggunaan logo SDG yang telah ditetapkan.
- Sertakan penjelasan yang ringkas namun jelas tentang kaitan aktiviti atau program dengan SDG yang dipilih.

3.2 penggunaan logo dan ikon SDG adalah berdasarkan kepada *Guidelines For The Use Of The SDG Logo Including The Colour Wheel, And 17 Icons* (May 2020)

4.0 Pemetaan SDG dengan aktiviti yang dianjurkan

- Sebarang kertas kerja yang dikemukakan kepada Jawatankuasa Universiti untuk kelulusan yang melibatkan peruntukan kewangan perlu dinyatakan SDG yang berkaitan bersama dengan justifikasi ringkas.
- Sebarang kertas kerja yang dikemukakan kepada Pengurusan Fakulti/PTj untuk kelulusan yang melibatkan peruntukan kewangan perlu menyatakan SDG yang berkaitan serta justifikasi ringkas.
- Justifikasi ringkas yang dinyatakan perlu mengandungi keterangan tentang bagaimana aktiviti yang dicadangkan bersesuaian dengan matlamat SDG.

4.1 SDG 1: No Poverty.

Program atau inisiatif yang berasaskan bantuan kepada golongan yang memerlukan dengan matlamat mengurangkan kadar kemiskinan dalam masyarakat dikenali sebagai program atau inisiatif kesejahteraan sosial.

Contoh: Bantuan Kewangan untuk Pelajar Berpendapatan Rendah/Program Makanan Tambahan (Food Aid)

4.2 SDG 2: Zero Hunger.

Program atau inisiatif yang bertumpu pada bantuan kepada golongan yang memerlukan untuk mengurangkan kadar kebuluran di peringkat universiti atau dalam komuniti.

Contoh: Program Bantuan Makanan untuk Pelajar Asnaf/Pembangunan Kemahiran Kewangan dan Nutrisi

4.3 SDG 3: Good Health and Well Being.

Program atau aktiviti yang berkaitan dengan kesihatan dan bertujuan untuk memberikan kesedaran akan kepentingan penjagaan kesihatan kepada seluruh warga universiti dan komuniti dikenali sebagai program atau inisiatif kesihatan awam.

Contoh: Kempen Kesedaran Kesihatan Awam/Pemeriksaan Kesihatan Berkala

4.4 SDG 4: Quality Education.

Program atau aktiviti yang berkaitan dengan pemindahan pengetahuan (Knowledge Transfer) yang bertujuan meningkatkan pengetahuan dalam masyarakat atau universiti

Contoh: Program Pemindahan Teknologi/Siri Seminar dan Forum Pemindahan Pengetahuan.

4.5 SDG 5: Gender Equality.

Program atau aktiviti yang berteraskan jantina dengan matlamat untuk memperkasakan golongan wanita dalam masyarakat dikenali sebagai inisiatif peningkatan kuasa wanita.

Contoh: Program Kepimpinan dan Keusahawanan Wanita/Klinik Pendidikan Kewangan Wanita.

4.6 SDG 6: Clean Water and Sanitation.

Program atau aktiviti yang berkaitan dengan kebersihan air dan bertujuan untuk menyediakan kesedaran mengenai kepentingan air bersih dalam universiti atau masyarakat dikenali sebagai inisiatif kelestarian air.

Contoh: Program Penjagaan Sumber Air/Kempen Kesedaran Air Bersih.

4.7 SDG 7: Affordable and Clean Energy.

Program atau aktiviti yang berkaitan dengan penggunaan tenaga bertujuan untuk meningkatkan kesedaran mengenai penggunaan tenaga yang bijak dalam universiti atau masyarakat.

Contoh: Kempen Penjimatan Elektrik.

4.8 SDG 8: Decent Work and Economic Growth.

Program atau aktiviti yang melibatkan ekonomi dan pekerjaan dengan matlamat untuk meningkatkan pembangunan dan kemajuan ekonomi sejajar dengan Matlamat Pembangunan Lestari.

Contoh: Projek Pembangunan Sumber Manusia/Kempen Promosi Peluang Pekerjaan.

4.9 SDG 9: Industry, Innovation and Infrastructure.

Program atau aktiviti yang berteraskan industri dan inovasi bertujuan untuk menggalakkan perkembangan teknologi, peningkatan produktiviti, dan pertumbuhan dalam sektor industri.

Contoh: Kolaborasi Industri-Universiti/Program R&D (Penyelidikan dan Pembangunan).

4.10 SDG 10: Reduce Inequalities.

Program atau aktiviti yang berkaitan dengan pengurangan ketidaksamaan berdasarkan jantina, umur, dan ketidakupayaan bertujuan untuk memastikan kesetaraan dan inklusiviti dalam masyarakat.

Contoh: Program Sokongan untuk Golongan Orang Kurang Upaya (OKU)/Program Penjagaan Kesihatan untuk Warga Emas.

4.11 SDG 11: Sustainable Cities and Communities.

Program atau aktiviti yang melibatkan komuniti sejahtera dan persekitaran yang selamat bertujuan untuk meningkatkan kualiti hidup masyarakat sambil memastikan keselamatan dan kelestarian persekitaran.

Contoh: Program Pendidikan Alam Sekitar/Kempen Keselamatan Jalan Raya

4.12 SDG 12: Responsible Consumption and Production.

Program atau aktiviti yang berteraskan penggunaan dan pengurusan sisa buangan bertujuan untuk menggalakkan penggunaan sumber secara bijak dan memastikan pengurusan sisa buangan yang bertanggungjawab.

Contoh: Kempen kitar semula/Program Pengurusan Sisa Buangan Elektronik (e-waste).

4.13 SDG 13: Climate Action.

Program atau aktiviti yang melibatkan perubahan iklim bertujuan untuk mengurangkan kesan negatif perubahan iklim dan mempromosikan tindakan yang berkesan dalam memelihara alam sekitar serta menjaga bumi kita.

Contoh: Kempen Perlindungan Haiwan dan Habitat/Program Pengurangan Pencemaran Udara.

4.14 SDG 14: Life below Water.

Program atau aktiviti yang melibatkan pemeliharaan dan pemuliharaan hidupan marin bertujuan untuk menjaga kepelbagaian biologi laut, melindungi ekosistem marin, dan memastikan kelestarian sumber daya laut.

Contoh: Penyelidikan dan Pemantauan Marin/Kempen Perlindungan Terumbu Karang.

4.15 SDG 15: Life on Land.

Program atau aktiviti yang berteraskan pemeliharaan dan pemuliharaan hutan bertujuan untuk menjaga kepelbagaian ekosistem darat, melindungi hutan, dan mempromosikan penggunaan sumber hutan yang lestari.

Contoh: Program Pendidikan Alam Sekitar/Kempen Pengurangan Pembalakan Hutan Haram

4.16 SDG 16: Peace, Justice and Strong Institutions.

Program atau aktiviti yang berteraskan tadbir urus dan undang-undang bertujuan untuk meningkatkan kualiti organisasi dan memastikan pentadbiran yang adil, keadilan, dan institusi yang kukuh.

Contoh : Pelaksanaan Kod Etika/Latihan dan Pendidikan Undang-undang.

4.17 SDG 17: Partnership for the Goals.

Program atau aktiviti yang melibatkan kerjasama bersama pihak luar seperti NGO atau sektor swasta dengan tujuan untuk mencapai Matlamat Pembangunan Lestari (SDGs).

Contoh: Pembangunan Teknologi Hijau Bersama Penyelidik.

5.0 Penggunaan Logo dan Ikon SDG dalam Poster dan Aktiviti Anjuran Universiti

- Penggunaan Logo Dan Ikon adalah berdasarkan panduan Sustainable Development Goals United Nations Department Of Global Communications May 2020 Guidelines for the Use of the SDG Logo Including the Color Wheel, and 17 Icons [SDG Guidelines AUG 2019 Final.pdf](#).
- Semua poster hebahan aktiviti/progam di peringkat PTj dan universiti perlu memuatkan logo, ikon, dan hashtag/tanda pagar yang berkaitan dengan Matlamat Pembangunan Mampan (SDG).
- Dalam poster rasmi aktiviti, penggunaan logo dan ikon Matlamat Pembangunan Mampan (SDG) mesti disertakan bersama dengan logo rasmi universiti dan diberi penjelasan yang sesuai. Ini akan menunjukkan hubungan di antara aktiviti tersebut dengan Matlamat Pembangunan Mampan dan universiti.

6.0 Tanggungjawab Ketua Pusat Tanggungjawab (PTj) Terhadap Pemetaan dan Penggunaan Logo dan Ikon SDG

6.1 Pemetaan Aktiviti dengan SDG:

- Ketua PTj perlu memastikan aktiviti PTj berkaitan dengan SDG yang relevan.
- Rekod aktiviti yang dipetakan kepada SDG perlu disimpan untuk tujuan pelaporan kepada Bahagian Penerbitan dan Penarafan (PRD)/Pusat Komunikasi dan Korporat (PKK) atau PTj lain yang memerlukan.

6.2 Laporan Aktiviti dalam Laporan Tahunan PTj:

- Disarankan agar laporan aktiviti yang berkaitan dengan SDG dimasukkan dalam laporan tahunan PTj sebagai rekod.

6.3 Keterlihatan Komitmen UMK terhadap SDG:

- Aktiviti dan poster yang mengandungi logo/ikon SDG perlu dipromosikan di media sosial rasmi PTj atau UMK untuk meningkatkan kesedaran tentang usaha universiti dalam mencapai Matlamat Pembangunan Mampan.